

სატენდერო განცხადება

ტენდერის ტიპი	ერთეტაპიანი ელექტრონული ტენდერი
შემსყიდველი	შპს „თბილისის სატრანსპორტო კომპანია“
დაფინანსების წყარო	2016 წლის საკუთარი შემოსავლები
შესყიდვის სავარაუდო ღირებულება	3'100'000 ლარი
სატენდერო წინადადება წარმოდგენილი უნდა იყოს	დღგ-ის გათვალისწინებით
კლასიფიკატორის (CPV) კოდი და კლასიფიკატორის დანაყოფი 50200000	
კლასიფიკატორის (CPV) კოდი და შესყიდვის კონკრეტული ობიექტი 50200000	
შეთავაზების ფასის კლების ბიჯი	31'000 ლარი



ელექტრონული ტენდერის საშუალებით

მეტროს მოძრავე შემადგენლობის ვაგონების მოდერნიზაციის მომსახურების (CPV 50200000) სახელმწიფო შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე.

ქ.თბილისი

2016 წ.

1. ინსტრუქცია ტენდერში მონაწილეთათვის

- 1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში - სისტემა) მეშვეობით.
- 1.2 სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.3 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.
- 1.4 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ასეთის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 1.6 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7 ტენდერის ჩატარების შესახებ განცხადებით ან/და სატენდერო დოკუმენტაციით მოთხოვნილი ინფორმაციის არასრულად წარმოდგენის ან ისეთი სატენდერო წინადადების წარმოდგენის შემთხვევაში, რომელიც არ პასუხობს ტენდერის ჩატარების შესახებ განცხადების ან/და სატენდერო დოკუმენტაციის ყველა მოთხოვნას, შესაძლებელია გამოიწვიოს ტენდერში მონაწილე პრეტენდენტის დისკვალიფიკაცია.
- 1.8 „გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „კ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე, არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოსთხოვოს შემსყიდველ ორგანიზაციას სატენდერო განცხადებისა და სატენდერო დოკუმენტაციის დაზუსტება.
- 1.9 სატენდერო დოკუმენტაციის შესახებ დამატებითი ინფორმაციის და შესყიდვის პროცედურების შესახებ განმარტებების მისაღებად, მიმართეთ სატენდერო კომისიის აპარატის წევრს - ნინო ყანჩაველს ტელ: (+995 32) 2-35-77-77 (1603) ელ. ფოსტა: NKanchaveli@metro.ge. მის: ქ. თბილისი, ვაგზლის მოედანი №2.

2. ტექნიკური დოკუმენტაცია

2.1 შესყიდვის ობიექტი

- 2.1.1 შესყიდვის ობიექტს წარმოადგენს - ელექტრონული ტენდერის საშუალებით - **მეტროს მოძრავი შემადგენლობის ვაგონების მოდერნიზაციის მომსახურების (CPV 50200000)** სახელმწიფო შესყიდვა.
- 2.1.2 გასაწევი მომსახურების ტექნიკური დავალება განისაზღვრება სატენდერო დოკუმენტაციის დანართი #2-ის შესაბამისად.

2.2 მომსახურების გაწევის ვადა და ადგილი

- 2.2.1 მომსახურების გაწევის ვადაა ხელშეკრულების გაფორმების თარიღიდან:

4 ერთეული - 2 სათაო (Eж-3M), 2 შუა (Em-508TM) - არაუგვიანეს 30 (ოცდაათი) კალენდარული დღისა;

4 ერთეული - 2 სათაო (Eж-3M), 2 შუა (Em-508TM) - არაუგვიანეს 60 (სამოცი) კალენდარული დღისა;

8 წვეის ძრავი (ДК 116)- არაუგვიანეს 60 (სამოცი) კალენდარული დღისა;

6 ოთხგასართიანი ელექტრო საკონტაქტო ყუთი-არაუგვიანეს 60 (სამოცი) კალენდარული დღისა.

- 2.2.2 მომსახურების გაწევის ადგილი:

მომსახურების გაწევის (მიწოდების) ადგილია - მიმწოდებლის ადგილსამყოფელი.

2.3 სატენდერო წინადადების ღირებულება

- 2.3.1 სატენდერო წინადადების ღირებულება და პრეტენდენტის მიერ წარმოსადგენი ფასების ცხრილი განისაზღვრება სატენდერო დოკუმენტაციის დანართი №1-ის შესაბამისად.
- 2.3.2 სატენდერო წინადადებაში საერთო და ერთეულის ღირებულება გამოსახული უნდა იყოს საქართველოს კანონმდებლობით გათვალისწინებული და გასაწევი მომსახურებასთან დაკავშირებული ყველა გადასახადისა და გადასახდელის ჩათვლით.
- 2.3.3 სატენდერო წინადადების საერთო და ერთეულის ღირებულების წარმოდგენა დასაშვებია მხოლოდ ლარში.
- 2.3.4 მომსახურების გაწევისას ტრანსპორტირებასთან დაკავშირებული ყველა ხარჯი ეკისრება მიმწოდებელს.

2.4 ანგარიშსწორების პირობები

- 2.4.1 ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად გაწეული მომსახურების შესაბამისად.
- 2.4.2 შუალედური ანგარიშსწორება განხორციელდება წარმოდგენილი შუალედური მიღება-ჩაბარების აქტის და შესაბამისი საგადასახადო დოკუმენტაციის საფუძველზე, აღნიშნული დოკუმენტაციის წარმოდგენიდან არაუგვიანეს 15 (თხუთმეტი) სამუშაო დღისა. საბოლოო ანგარიშსწორება განხორციელდება ხელშეკრულებით ნაკისრი ვალდებულების სრულად შესრულების შემდეგ.
- 2.4.3 ტენდერში შესაძლებელია გამოყენებული იქნეს ავანსის მექანიზმი, არაუმეტეს სახელშეკრულებო თანხის 35%-ისა, მხარეთა მიერ წინასწარი შეტყობინების საფუძველზე.
- 2.4.4 ავანსის შემთხვევაში ანგარიშსწორება განხორციელდება შემდეგი პირობებით:

2.4.4.1 შემსყიდველი ავანსის სახით ურიცხავს მიმწოდებელს მთლიანი სახელშეკრულებო თანხის არაუმეტეს 35%-ს, შესაბამისი თანხის საბანკო გარანტიის (გაცემული მხოლოდ საბანკო დაწესებულების მიერ) წარმოდგენიდან 5 (ხუთი) სამუშაო დღის ვადაში, რომლის დაფარვა მოხდება ეტაპობრივად. მიმწოდებელს გაწეული მომსახურების ღირებულებიდან დაუკავდება თანხის ის პროცენტული ოდენობა, რამდენი პროცენტიც აქვს აღებული ავანსად.

2.4.4.2 საავანსო ანგარიშსწორების შემთხვევაში მიმწოდებელი ვალდებულია წარუდგინოს შემსყიდველ ორგანიზაციას წინასწარ გადასახდელი თანხის, მაგრამ არაუმეტეს სახელშეკრულებო თანხის 35%-ის, იდენტური ოდენობის გარანტია, რომლის მოქმედების ვადა არანაკლებ 30 (ოცდაათი) კალენდარული დღით უნდა აღმატებოდეს ხელშეკრულების მოქმედების ვადას.

2.5 საგარანტიო პირობები

2.5.1 შემადგენლობის მოდერნიზაციისას გამოყენებული ცალკეული კვანძების საგარანტიო ვადა განისაზღვრება ქარხანა-დამამზადებლის მიერ განსაზღვრული ვადების მიხედვით, მაგრამ არანაკლებ 1 წლით ან ექსპლუატაციაში გაშვების შემდეგ 100000 (ასი ათასი) კილომეტრის გარბენამდე, იმის მიხედვით, თუ რომელი პირობა შესრულდება უფრო გვიან, ხოლო ვაგონის ძარის, ლითონის კვანძების და დეტალების სადებავის დამცავმა საფარმა უნდა უზრუნველყოს საექსპლუატაციო მდგრადობა, ხარისხის გაუარესების გარეშე, არანაკლებ 4 (ოთხი) წლის განმავლობაში.

2.5.2 საგარანტიო ვადის მოქმედების პერიოდში მიმწოდებელი ვალდებულია თავისი ხარჯებით უზრუნველყოს დაზიანებული ნაწილის გამოცვლა ან შეკეთება შემსყიდველის მიერ წერილობითი მოთხოვნიდან 10 (ათი) სამუშაო დღის ვადაში, თუ ეს არ არის გამოწვეული არასწორი ექსპლუატაციით.

2.6 ალტერნატიული წინადადება

პრეტენდენტს არ აქვს უფლება წარმოადგინოს ალტერნატიული წინადადება.

2.7 პრეტენდენტის მიერ სისტემაში ასატივრთი დოკუმენტაცია

2.7.1 სატენდერო დოკუმენტაციით გათვალისწინებული დანართი №1 (მეტროს მოძრავი შემადგენლობის ვაგონების მოდერნიზაციის მომსახურების ხარჯთაღრიცხვა), აღნიშნულ დანართში პრეტენდენტის მიერ მითითებულ უნდა იქნას სატენდერო წინადადების ფასი (თანხა ციფრებით და სიტყვიერად), მომსახურების ღირებულება და მომსახურების გაწევის ვადა, ამავე დანართით გათვალისწინებული პირობების შესაბამისად.

2.7.2 სატენდერო დოკუმენტაციით გათვალისწინებული დანართი №2 (ტექნიკური დავალება), ამავე დანართით გათვალისწინებული მოთხოვნების შესაბამისად.

2.7.3 სატენდერო დოკუმენტაციით გათვალისწინებული დანართი №3 (მომსახურების გაწევის ვადა და საგარანტიო პირობები), ამავე დანართით გათვალისწინებული პირობების შესაბამისად.

2.7.4 სატენდერო დოკუმენტაციით გათვალისწინებული დანართი №4 (პრეტენდენტის რეკვიზიტები), ამავე დანართით გათვალისწინებული მოთხოვნების შესაბამისად.

2.7.5 პრეტენდენტმა სატენდერო დოკუმენტაციასთან ერთად, ერთიან ელექტრონულ სისტემაში, უნდა ატვირთოს დანართი №2-ის 2.3 და 3 პუნქტებით გათვალისწინებული გასაწევი მომსახურებების ტექნიკურ-ხარისხობრივი მონაცემების სრული აღწერა, ასევე, დანართი №2-ის, ტექნიკური დავალების მუხლი №2-ში მითითებული მრავალ ცალკეული კვანძების განფასება და მუხლი №4-ში მითითებული კომპლექტის დეტალური განფასება.

2.7.6 პრეტენდენტმა სატენდერო დოკუმენტაციასთან ერთად, ერთიან ელექტრონულ სისტემაში, უნდა ატვირთოს ინფორმაცია, გამოცდილების შესახებ სატენდერო დოკუმენტაციის 2.8 პუნქტის 2.8.3 ქვეპუნქტში მითითებული მოთხოვნის შესაბამისად, შესაბამისი დოკუმენტების წარმოდგენით.

2.8 დამატებითი ინფორმაცია

2.8.1 იმ შემთხვევაში თუ სატენდერო დოკუმენტაციაში შესყიდვის ობიექტის ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით.

2.8.2 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა უნდა დასაბუთდეს აკრედიტებული ორგანოს/პირის მიერ გაცემული ექსპერტიზის დასკვნით. ფასწარმოქმნის ადეკვატურობის დასაბუთებაზე ვრცელდება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-12 მუხლის მე-11- მე-14 პუნქტებით განსაზღვრული წესები.

2.8.3 პრეტენდენტს უნდა გააჩნდეს მსგავსი მომსახურების (ვაგონების კაპიტალური და/ან საშუალო შეკეთებების მოდერნიზაციით) შესრულების გამოცდილება უკანასკნელი 3 (სამი) წლის განმავლობაში. მის მიერ შესრულებული მსგავსი მომსახურების განხორციელებიდან მიღებული შემოსავალი ჯამურად (სამივე წელს) უნდა შეადგენდეს არანაკლებ 2'000'000 (ორი მილიონი) ლარს, რომლის დამადასტურებელი დოკუმენტები - გაფორმებული ხელშეკრულებები, მისი შესაბამისი მიღება-ჩაბარების აქტები ან/და საგადასახადო ანგარიშ-ფაქტურები უნდა აიტვირთოს ერთიან ელექტრონულ სისტემაში, ან/და მიუთითოს შესაბამისი სატენდერო განცხადების SPA ნომრები.

2.8.4 იმ შემთხვევაში, თუ პრეტენდენტი ვერ წარმოადგენს 2.7.5 და 2.8.3 ქვეპუნქტებით მოთხოვნილ დოკუმენტაციას ან/და არ გააჩნია შესაბამისი გამოცდილება განხორციელებს მისი დისკვალიფიკაცია სატენდერო პროცედურიდან.

3. პრეტენდენტის მიერ წარმოსადგენი საკვალიფიკაციო დოკუმენტაცია

3.1 საკვალიფიკაციო მონაცემების სახით პრეტენდენტმა უნდა წარმოადგინოს დოკუმენტები, რომლითაც იგი დააკმაყოფილებს შემდეგ მოთხოვნებს (წინააღმდეგ შემთხვევაში პრეტენდენტი დაექვემდებარება დისკვალიფიკაციას):

3.1.1 იურიდიული პირებისა და ინდივიდუალური მეწარმეებისთვის:

3.1.1.1 ცნობა, შესაბამისი სასამართლოდან, რომ მათ მიმართ არ მიმდინარეობს გადახდისუნარობის საქმისწარმოება.

- 3.1.1.2 ცნობა, შესაბამისი უფლებამოსილი ორგანოდან, ბიუჯეტის წინაშე დავალიანების არქონის შესახებ (იმ შემთხვევაში, თუ პრეტენდენტის დავალიანება ბიუჯეტის წინაშე შეადგენს 10'000 ლარზე მეტს, მოხდება მისი დისკვალიფიკაცია სატენდერო პროცედურებიდან);
- 3.1.1.3 ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;
- 3.1.1.4. ცნობა შესაბამისი უფლებამოსილი ორგანოდან რეორგანიზაცია-ლიკვიდაციის არქონის შესახებ.
- 3.1.2 ფიზიკური პირებისთვის (გარდა ინდივიდუალური მეწარმისა):
- 3.1.2.1 პირადობის დამადასტურებელი დოკუმენტის ასლი;
- 3.1.2.2 ცნობა საგადასახადო აღრიცხვაზე ყოფნის შესახებ;
- 3.1.2.3 ცნობა საგადასახადო დავალიანების არ ქონის შესახებ.
- 3.2 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, გარდა პირადობის დამადასტურებელი დოკუმენტის ასლისა გაცემული უნდა იყოს სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – „გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „ლ“ ქვეპუნქტით (სტატუსი - სატენდერო წინადადებების მიღება დაწყებულია) გათვალისწინებული ეტაპის დაწყებამდე არა უგვიანეს 30 (ოცდაათი) დღისა.
- 3.3 სატენდერო დოკუმენტაციის 3.1 პუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები შემსყიდველ ორგანიზაციაში წარმოდგენილ უნდა იქნეს სატენდერო კომისიის მოთხოვნის შესაბამისად. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, სათანადო აპოსტილით დადასტურებული ან/და ლეგალიზებული ოფიციალური თარჯიმნის ქართული თარგმანის დართვით, გარდა მინსკის 1993 წლის „სამოქალაქო, საოჯახო და სისხლის სამართლის საქმეებზე სამართლებრივი დახმარების და სამართლებრივი ურთიერთობების შესახებ“ კონვენციის სახელმწიფოებისა სადაც საკმარისია ქართული თარგმანის ნოტარიულად დამოწმება.

4. ხელშეკრულების შესრულების გარანტია

- 4.1 სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესი“-ს 21-ე მუხლის საფუძველზე, ტენდერში გამოყენებული იქნება ხელშეკრულების შესრულების გარანტია, თუ ხელშეკრულების საერთო ღირებულება შეადგენს ან აღემატება 200 000 ლარს.
- 4.2 ტენდერში გამოიყენება ხელშეკრულების შესრულების გარანტია, ხელშეკრულების საერთო ღირებულების 4.5%-ის ოდენობით, ხოლო, იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალი იქნება შესყიდვის ობიექტის სავარაუდო ღირებულებაზე, ხელშეკრულების შესრულების გარანტია ნაცვლად 4.5%-ისა განისაზღვრება 9%-ის ოდენობით.
- 4.3 გამარჯვებული პრეტენდენტის მიერ ხელშეკრულების შესრულების გარანტია წარმოდგენილი უნდა იყოს საბანკო დაწესებულებიდან, ხელშეკრულების დადებამდე.
- 4.4 ხელშეკრულების შესრულების გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს საქონლის მიწოდების საბოლოო ვადას.

5. ხელშეკრულება სახელმწიფო შესყიდვის შესახებ №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ერთი მხრივ, შპს „თბილისის სატრანსპორტო კომპანია“ (მის: ქ. თბილისი, ვაგზის მოედანი №2), წარმოდგენილი - გენერალური დირექტორის ---- სახით (შემდგომში „შემსყიდველი“) და მეორე მხრივ, _____ (იურიდიული მის: ქ. თბილისი, _____) წარმოდგენილი - _____ სახით (შემდგომში „მიმწოდებელი“), „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის ქ-ქვეპუნქტის, სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული ელექტრონული ტენდერის (_____ სახელმწიფო შესყიდვა) საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელმაც მოიპოვა გამარჯვება შემსყიდველის მიერ გამოცხადებულ ტენდერში (SPA_____).
- 1.3. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული და მიმწოდებლის მიერ წინამდებარე ხელშეკრულების 1.2 პუნქტში მითითებული, ტენდერისათვის წარმოდგენილი ყველა დოკუმენტით, მათ შორის:
 - 1.3.1 მეტრის მოძრავი შემადგენლობის ვაგონების მოდერნიზაციის მომსახურების ხარჯთაღრიცხვა (დანართი №1);
 - 1.3.2 ტექნიკური დავალება (დანართი №2);
 - 1.3.3 მომსახურების გაწევის ვადა და საგარანტიო პირობები (დანართი №3);
 - 1.3.4 პრეტენდენტის რეკვიზიტები (დანართი №4).
- 1.4. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ _____ (შემდგომში „მომსახურება“) სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: -----.
- 2.3 გასაწევი მომსახურების დასახელება, რაოდენობა და ერთეულის ფასი განისაზღვრება დანართი №1-ის შესაბამისად.

3. ხელშეკრულების ღირებულება

- 3.1 ხელშეკრულების საერთო ღირებულება განისაზღვრება მიმწოდებლის მიერ წარმოდგენილი დანართი №1-ის შესაბამისად და შეადგენს ----- (--- -----) ლარს.
- 3.2 ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს და გადასახადებს, დღგ-ის ჩათვლით.

4. მომსახურების გაწევის ვადა და ადგილი

- 4.1 მიმწოდებელი მომსახურების გაწევას განახორციელებს ხელშეკრულების გაფორმების თარიღიდან არაუგვიანეს ----- დღის ვადაში.
- 4.2 მომსახურების გაწევის (მიწოდების) ადგილია - -----.
- 4.3 მომსახურების გაწევას მიმწოდებელი უზრუნველყოფს საკუთარი ხარჯით.

5. ხელშეკრულების შესრულების კონტროლი

- 5.1 მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებენ: _____ (შემდგომში „ინსპექტორების ჯგუფი“).
- 5.3 ინსპექტორების ჯგუფის ფუნქციებია:
 - 5.3.1 გაუწიოს კონტროლი ხელშეკრულებით გათვალისწინებული მომსახურების გაწევის ვადების დაცვას;
 - 5.3.2 დაადგინოს გაწეული მომსახურების ან/და მისი ნაწილის ხარისხის შესაბამისობა ხელშეკრულებით გათვალისწინებულ მოთხოვნებთან;
 - 5.3.3 გააფორმოს მიმწოდებელთან მიღება-ჩაბარების აქტი და უზრუნველყოს გაწეული მომსახურების მიღება.

6. მომსახურების საგარანტიო პირობები და ვადები

- 6.1 მიმწოდებელი იძლევა გარანტიას, რომ გაწეული მომსახურება იქნება ხარისხიანი და შეესაბამება გასაწევი მომსახურების ტექნიკურ დავალებას (დანართი №2).
- 6.2 შემადგენლობის მოდერნიზაციისას გამოყენებული ცალკეული კვანძების საგარანტიო ვადა განისაზღვრება ქარხანა-დამამზადებლის მიერ განსაზღვრული ვადების მიხედვით, მაგრამ ----- წლით ან ექსპლუატაციაში გაშვების შემდეგ ----- კილომეტრის გარბენამდე, იმის მიხედვით, თუ რომელი პირობა შესრულდება უფრო გვიან, ხოლო ვაგონის ძარის, ლითონის კვანძების და დეტალების საღებავის დამცავმა საფარმა უნდა უზრუნველყოს საექსპლუატაციო მდგრადობა, ხარისხის გაუარესების გარეშე ----- წლის განმავლობაში.

- 6.3. საგარანტიო ვადის მოქმედების პერიოდში მიმწოდებელი ვალდებულია თავისი ხარჯებით უზრუნველყოს დაზიანებული ნაწილის გამოცვლა ან შეკეთება შემსყიდველის მიერ წერილობითი მოთხოვნიდან 10 (ათი) სამუშაო დღის ვადაში, თუ ეს არ არის გამოწვეული არასწორი ექსპლუატაციით.
- 6.4 მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოკეთოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.
- 6.5 შემსყიდველ ორგანიზაციას უფლება აქვს უარი განაცხადოს წუნდებული მომსახურების მიღებაზე.

7. მომსახურების მიღება-ჩაბარების წესი

- 7.1 პირველ ეტაპზე ხორციელდება ვაგონის ცალკეული კვანძების შემოწმება, რომელიც ფორმდება ოქმის სახით, ხოლო შემდგომში ხორციელდება ვაგონის საცდელი გარბენი, რის შემდეგაც დგება მიღება-ჩაბარების აქტი.
- 7.2 მიღება-ჩაბარებისათვის მიმწოდებელმა უნდა შეადგინოს და შემსყიდველს გადასცეს შემდეგი დოკუმენტები:
- ა) აქტი ვაგონზე გაწეული მომსახურების შესახებ;
- ბ) ვაგონზე დამონტაჟებული ახალი მოწყობილობებისა და აგრეგატების ტექნიკური პასპორტები.
- 7.3 შესყიდვის ობიექტის მიღება-ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-5 მუხლის, 5.2 პუნქტში მითითებული ინსპექტირების განმახორციელებელი პირები).
- 7.4 ხარჯთაღრიცხვით განსაზღვრული მომსახურების მოცულობები შესაძლებელია შეიცვალოს აღმოჩენილი გასაწევი მომსახურების გათვალისწინებით, სახელშეკრულებო თანხის უცვლელად, რაზეც გაფორმდება შესაბამისი მიღება-ჩაბარების აქტი.
- 7.5 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 7.6 მომსახურების (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორების პირობები და ვადები

- 8.1 ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად გაწეული მომსახურების შესაბამისად.
- 8.2 შუალედური ანგარიშსწორება განხორციელდება წარმოდგენილი შუალედური მიღება-ჩაბარების აქტის და შესაბამისი საგადასახადო დოკუმენტაციის საფუძველზე, აღნიშნული დოკუმენტაციის წარმოდგენიდან არუგვიანეს 15 (თხუთმეტი) სამუშაო დღისა. საბოლოო ანგარიშსწორება განხორციელდება ხელშეკრულებით ნაკისრი ვალდებულების სრულად შესრულების შემდეგ.
- 8.3 ტენდერში შესაძლებელია გამოყენებული იქნეს ავანსის მექანიზმი, არაუმეტეს სახელშეკრულებო თანხის 35%-ისა, მხარეთა მიერ წინასწარი შეტყობინების საფუძველზე.
- 8.4 ავანსის შემთხვევაში ანგარიშსწორება განხორციელდება შემდეგი პირობებით:
- შემსყიდველი ავანსის სახით ურიცხავს მიმწოდებელს მთლიანი სახელშეკრულებო თანხის არაუმეტეს 35%-ს, შესაბამისი თანხის საბანკო გარანტიის (გაცემული მხოლოდ საბანკო დაწესებულების მიერ) წარმოდგენიდან 5 (ხუთი) სამუშაო დღის ვადაში, რომლის დაფარვა მოხდება ეტაპობრივად. მიმწოდებელს გაწეული მომსახურების ღირებულებიდან დაუკავდება თანხის ის პროცენტული ოდენობა, რამდენი პროცენტიც აქვს აღებული ავანსად.
- 8.5 საავანსო ანგარიშსწორების შემთხვევაში მიმწოდებელი ვალდებულია წარუდგინოს შემსყიდველ ორგანიზაციას წინასწარ გადასახდელი თანხის, მაგრამ არაუმეტეს სახელშეკრულებო თანხის 35%-ის, იდენტური ოდენობის საბანკო გარანტია, რომელის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას
- 8.6 შემსყიდველი უფლებამოსილია, ხოლო მიმწოდებელი თანახმაა ხელშეკრულების 12.3 და 12.4 პუნქტით დაკისრებული პირგასამტეხლოს თანხა (ასეთის არსებობის შემთხვევაში) გამოკეთოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 8.7 საქართველოს კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.
- 8.8 მომსახურების გაწევისას ტრანსპორტირებასთან დაკავშირებული ყველა ხარჯი ეკისრება მიმწოდებელს.

9. მხარეთა უფლება-მოვალეობანი

- 9.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის მოთხოვნათა სრული დაცვით.
- 9.2 შემსყიდველი უფლებამოსილია:
- 9.2.1 განახორციელოს კონტროლი მიმწოდებლის მიერ ხელშეკრულების პირობების დაცვაზე;
- 9.2.2 ხელშეკრულების მე-4 პუნქტით განსაზღვრული მომსახურების გაწევის ვადების დარღვევის შემთხვევაში, მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.3 შემსყიდველი ვალდებულია:
- 9.3.1 მიიღოს გაწეული მომსახურება;
- 9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;
- 9.3.3 განახორციელოს ამ ხელშეკრულებით მასზე დაკისრებული სხვა ვალდებულებები.
- 9.4 მიმწოდებელი უფლებამოსილია:
- 9.4.1 მოითხოვოს შემსყიდველისაგან გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად;
- 9.4.2 ანგარიშსწორების ვადის დარღვევის შემთხვევაში, შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად.
- 9.5 მიმწოდებელი ვალდებულია:
- 9.5.1 მიაწოდოს შემსყიდველს ხარისხიანი მომსახურება;
- 9.5.2 მომსახურების გაწევა განახორციელოს წინამდებარე ხელშეკრულების მე-4 პუნქტში მოცემული პირობებისა და დანართი №2-ისა და დანართი №3-ის შესაბამისად;
- 9.5.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;
- 9.5.4 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;
- 9.5.5 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

- 10.1 ხელშეკრულების დამდებ არც ერთ მხარეს უფლება არ აქვს ცალმხრივად შეცვალოს ხელშეკრულების პირობები.
- 10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.
- 10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 10.5 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთება ხელშეკრულებას და ჩაითვლება მის განუყოფელ ნაწილად.

11. ხელშეკრულების შეწყვეტა

- 11.1 ხელშეკრულება შეიძლება შეწყდეს:
 - 11.1.1 მხარეთა წერილობითი შეთანხმებით;
 - 11.1.2 ხელშეკრულების ვადის გასვლის გამო;
 - 11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.
- 11.2 შემსყიდველი უფლებამოსილია ცალმხრივად შეწყვიტოს ხელშეკრულება (მთლიანად ან ნაწილობრივ), თუ:
 - 11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
 - 11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;
 - 11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;
 - 11.2.4 მიმწოდებლის გაკოტრების შემთხვევაში;
 - 11.2.5 მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
 - 11.2.6 საქართველოს კანონმდებლობით გათვალისწინებულ სხვა შემთხვევებში.
- 11.3 ხელშეკრულება ჩაითვლება ავტომატურად შეწყვეტილად, თუ 12.3 და 12.4 პუნქტის შესაბამისად დაკისრებული და მიმწოდებლის მხრიდან აუნაზღაურებელი პირგასამტეხლოს ჯამური თანხა, გადააჭარბებს საბანკო გარანტიით განსაზღვრული თანხის 95 პროცენტს.

12. მხარეთა პასუხისმგებლობა

- 12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.
- 12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს გადასახდელი თანხის 0.1% ყოველი ვადაგადაცილებული დღისათვის.
- 12.3 მიმწოდებელი პასუხისმგებელია წინამდებარე ხელშეკრულების მე-4 პუნქტით განსაზღვრული მომსახურების გაწევის ვადების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს გასაწევი მომსახურების ღირებულების 0.1% ყოველი ვადაგადაცილებული დღისათვის.
- 12.4 თუ მიმწოდებელი საგარანტიო ვადის პერიოდში არ განახორციელებს წუნდებული მომსახურების გამოსწორებას, ხელშეკრულების მე-6.3 პუნქტის შესაბამისად, დაეკისრება პირგასამტეხლოს სახით წუნდებული მომსახურების ღირებულების 0.1 % ყოველი ვადაგადაცილებული დღისათვის.
- 12.5 პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულებისაგან.

13. ფორს-მაჟორი

- 13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წაწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებთან და დაუდევრობასთან და რომელსაც გააჩნია წინასწარ გაუთვალისწინებელი ხასიათი. ფორს-მაჟორს მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორცაა ომი, სტიქიური მოვლენები, ეპიდემია და აშ.
- 13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამოწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 (ათი) დღისა წარმოადგინოს ფორს-მაჟორული ან/და სხვა ხელშემშლელი გარემოებების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.
- 13.4 ფორს-მაჟორული ან/და სხვა ხელშემშლელი გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

14. დავების გადაწყვეტა

მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობით დადგენილი წესის შესაბამისად.

15. ხელშეკრულების შესრულების გარანტია

- 15.1 ხელშეკრულებაში გამოყენებულია მიმწოდებლის მხრიდან ხელშეკრულების შესრულების საბანკო გარანტია მთლიანი სახელშეკრულებო თანხის --- პროცენტის ოდენობით, რომლის ვადა 30 (ოცდაათი) დღით აღემატება მომსახურების გაწევის საბოლოო ვადას.
- 15.2 შემსყიდველის მიერ აღნიშნული საბანკო გარანტიის გამოყენების და დაბრუნების პირობები მოცემულია ხელშეკრულების 15.3 და 15.4 პუნქტებში.
- 15.3 შემსყიდველი უფლებამოსილია საბანკო გარანტიის მოქმედების ვადაში მიმართოს გარანტს და მოითხოვოს საბანკო გარანტიით განსაზღვრული თანხის გადახდა თუ:
- 15.3.1 ხელშეკრულება შეწყდა 11.2 ან/და 11.3 პუნქტის შესაბამისად;
- 15.3.2 ხელშეკრულების 4.1 პუნქტით განსაზღვრულ ვადაში მიმწოდებელმა ვერ უზრუნველყო ხელშეკრულებით გათვალისწინებული საქონლის მიწოდება.
- 15.4 საბანკო გარანტია მიმწოდებელს დაუბრუნდება:
- 15.4.1. მიმწოდებლის მიერ ხელშეკრულებით ნაკისრი ვალდებულებების სრულად შესრულებისას;
- 15.4.2. ხელშეკრულების 13.1 პუნქტით გათვალისწინებულ შემთხვევებში, ხელშეკრულების ვადამდე შეწყვეტისას, თუ ამ გარემოებების დადგომამდე, მიმწოდებლის მიერ სრულად არის შესრულებული ხელშეკრულებით ნაკისრი ვალდებულებები.

16. ხელშეკრულების სხვა პირობები

- 16.1 ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 16.2 ამ ხელშეკრულებით გაუთვალისწინებელი საკითხები განისაზღვრება მოქმედი კანონმდებლობის შესაბამისად.
- 16.3 ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან თითოეული ეგზემპლარი ინახება ხელშეკრულების მონაწილე მხარეებთან.

17. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს -----წლის ----- ჩათვლით.

18. მხარეთა რეკვიზიტები

„შემსყიდველი“

შპს „თბილისის სატრანსპორტო კომპანია“
საიდენტიფიკაციო ნომერი: 202886788
იურიდ. მის: ქ. თბილისი, ვაგზლის მოედანი №2
ტელ: (995 32) 2 93 50 50.
სს თბილისი ზანკი
ა/ა GE67TB7931836070100001; ზანკის კოდი: TBCBGE22

„მიმწოდებელი“

საიდენტიფიკაციო ნომერი: _ _____
მის: _____
ტელ: (995 32) _____.

ა/ა _____; ზანკის კოდი: _____

მეტროს მოძრავი შემადგენლობის ვაგონების მოდერნიზაციის მომსახურების ხარჯთაღრიცხვა

„____“ _____ 2016 წ.
(შევსების თარიღი)

_____ აღნიშნულ მომსახურების შესრულებას გთავაზობთ _____ (_____) ლარად (დღგ-ის ჩათვლით)*.
(პრეტენდენტის დასახელება) (თანხა ციფრებით) (თანხა სიტყვიერად)

№	მომსახურების დასახელება	ზომის ერთეული	რაოდენობა	ერთეულის ფასი	საერთო ღირებულება
1	მეტროს სათაო ვაგონის (Еж-3М) საშუალო შეკეთება I მოცულობა	ც	4		
2	მეტროს შუა ვაგონის (Em-508TM) საშუალო შეკეთება I მოცულობა	ც	4		
3	წვეის ძრავის შეკეთება (ДК 116)	ც	8		
4	ოთხგასართიანი ელექტროსაკონტაქტო ყუთი	კომპლექტი	6		

შენიშვნა:

(*) დღგ-ის გადამხდელის შემთხვევაში სატენდერო წინადადების ფასი წარმოდგენილი უნდა იყოს დღგ-ის გათვალისწინებით.

(პასუხისმგებელი პირის თანამდებობა, სახელი გვარი)

ხელმოწერა

ტექნიკური დავალება

Еж-3М და Em-508TM სერიის ვაგონების საშუალო შეკეთება (პირველი მოცულობა) მოდერნიზაციით
ტექნიკური დავალება

1. სამუშაოს მიზანი და დანიშნულება

შპს „თბილისის სატრანსპორტო კომპანიის“ კუთვნილი **Еж-3М** და **Em-508TM** ტიპის ვაგონების საშუალო შეკეთების მოდერნიზაციით მიზანია მგზავრებისათვის თანამედროვე, უსაფრთხო და კომფორტული სატრანსპორტო საშუალების შეთავაზება, ტექნიკური და სახანძრო უსაფრთხოების დონის ამაღლება, საექსპლუატაციო ხარჯების შემცირება და სალოკომოტივო ბრიგადების სამუშაო პირობების გაუმჯობესება.

პროგრამა მოიცავს ვაგონების საშუალო შეკეთებას, რაც თავის მხრივ უზრუნველყოფს ვაგონების ძირითადი ტექნიკური პარამეტრების აღდგენას და ამასთან ერთად, მთელი რიგი კვანძების საფუძვლიან მოდერნიზაციას, რომელიც ტექნიკური დავალების მე-3 თავში გათვალისწინებული ტექნიკური სიახლეების დანერგვის გზით მიმართულია ვაგონების საიმედოობის, დინამიური მაჩვენებლებისა და კომფორტულობის ასამაღლებლად.

2. საშუალო შეკეთება

2.1. ვაგონების საშუალო შეკეთება ტარდება „მეტროპოლიტენის ვაგონების რემონტის სახელმძღვანელოს“ (ИМетро-4592) მოთხოვნათა შესაბამისად, უზრუნველყოფს ვაგონის საექსპლუატაციო მახასიათებლების აღდგენას და შემადგენელი აგრეგატების, კვანძების, დეტალების გამართულ მუშაობას დადგენილი ტექნიკური რესურსის განმავლობაში.

2.2. ვაგონის თვალწყვილების შეკეთება უნდა შესრულდეს „მეტროპოლიტენის ელექტრომატარებლების თვალწყვილების დათვალიერების, შემოწმების, შეკეთებისა და ფორმირების ინსტრუქციის“ (Санкт-Петербург, 1999 г.) შესაბამისად.

2.3. სპეციალური მოთხოვნები:

2.3.1. მართვის კაბინაში უნდა განთავსდეს მემანქანის ახალი სავარძელი რეგულირების და ვიბროდამცავი ფუნქციით ТУ 24.05.882-88 მოთხოვნათა შესაბამისად.

2.3.2. მართვის კაბინაში კარები და სხვა ტექნოლოგიური ხვრელები უნდა აღიჭურვოს სპეციალური შემამჭიდროველი ელემენტებით, რომლებიც უზრუნველყოფს დახურულ მდგომარეობაში ჰერმეტიკულობას და ხმაურის დონეს კაბინაში არა უმეტეს 80 დეციბელისა 60 კმ/სთ სიჩქარით მოძრაობისას გვირაბში.

2.3.3. ვაგონის სალონის ფართო ფანჯრები სარკმელების კონსტრუქცია უნდა უზრუნველყოფდეს თავისუფალ გახსნა-დახურვას მდგომარეობათა ფიქსაციით და გამორიცხავდეს გაჭედვას.

2.3.4. სამუხრუჭო ცილინდრებზე მიმავალი ფოლადის მილები უნდა განთავსდეს ურიკის ჩარჩოზე ზევითა მხრიდან. მათი დამაგრება უნდა გამორიცხავდეს მექანიკურ რხევებს. შეერთება ცილინდრებთან უნდა განხორციელდეს არმირებული შლანგით.

2.3.5. კაბინის მხარეს ავტოგადასაბმელი უნდა დაგრძელდეს და პასუხობდეს ТУ 24.05.882-88 1.7.3 პუნქტის მოთხოვნებს.

2.3.6. მართვის კაბინის სამხერი მინა უნდა იქნას დაბურული 300 მმ-მდე ზედა მხრიდან.

2.3.7. ყოველი არმირებული სახელოები შეიცვალოს ახლით.

2.3.8. კარდანული ქუროს მუშტები და ჩანგლები შეიცვალოს ახლით.

2.3.9. ვაგონის თვალწყვილის რედუქტორები შეიცვალოს ახლით.

2.3.10. სათაო ვაგონის უკანა ხედვის სარკეები შეიცვალოს ახლით.

2.3.11. სალონის სავარძლების ქვეშ არსებულ აპარატურის მიმნიშნებელი ფირნიშები განთავსდეს სავარძლის გარსაცმზე.

2.3.12. ყველა მართვისა და დაცვის ავტომატური ამომრთველები განთავსდეს მემანქანის უკან არსებულ კედელზე კაბინაში დაჯგუფდეს ფუნქციონალური დანიშნულების მიხედვით და ნაკვეთურის მხრიდან დაიფაროს გარსაცმით.

2.3.13. კუდურა ნათურების ანთება შესაძლებელი იყოს ბატარეის ჩამრთველისაგან დამოუკიდებლად.

2.3.14. ვაგონის მართვის სქემიდან ამოღებული იქნას PKM-2 კონტაქტი.

3. მოდერნიზაციის ელემენტები

3.1. სათაო ვაგონი -Еж-3М:

3.1.1. მუხრუჭის საკონტროლო ნათურა დამონტაჟდეს პულტზე.

3.1.2. წითელი სასიგნალო ნათურები ატანილი უნდა იქნას ზევით და დამზადდეს შუქდიოდების ბაზაზე. პროექტორული განათების ფარები შეიცვალოს ახლით, მათი განთავსება და მართვა განხორციელდეს 81-717M სერიის ვაგონების ანალოგიურად.

3.1.3. მართვის კაბინაში, მემანქანის მარცხენა მხარეს უნდა დადგეს შუქდიოდიანი ციფრული მარშრუტის მაჩვენებელი.

3.2. შუალედური ვაგონი- Em-508TM:

3.2.1. დემონტირებული უნდა იქნას არსებული მემანქანის ონკანები და ისინი შეიცვალოს 013 ტიპის ონკანებით.

3.3 სათაო და შუალედური ვაგონები.

3.3.1 არსებული მოტორ-კომპრესორები უნდა შეიცვალოს ახალი კომპრესორით, დაჭირხული ჰაერის ანალოგიური პარამეტრების და არა ნაკლები მწარმოებლობის მქონე ხრახნული ტიპის კომპრესორებით, ასინქრონული ელექტროამრავით. სისტემა აღჭურვილი უნდა იყოს ინვერტორული ტიპის ელექტრონული გარდამქმნელით, რომელიც უზრუნველყოფს ფუნქციონირებას საკონტაქტო ქსელიდან - 825 ვოლტი მაზვიდან.

3.3.2 ვაგონზე უნდა დადგეს სიჩქარის ავტომატური რეგულირების ახალი, მოდერნიზირებული აპარატურა დუბლირებით, ბლოკში შემავალი ყველა სიგნალის რელურ დროში ჩაწერის და შენახვის ფუნქციით (საბორტო რეგისტრატორი) თბილისის მეტროპოლიტენში მოქმედ ავტომატური სალოკომოტივო სიგნალიზაციის აპარატურასთან თავსებადობით.

3.3.3 უზრუნველყოფილი უნდა იქნას სიჩქარის ავტომატური რეგულირების („სარ“) ფუნქციონირება მატარებლის სარეზერვო მართვაზე გადასვლის პირობებში.

3.3.4 ვაგონის სალონის ჭერზე უნდა დამონტაჟდეს ახალი ტიპის შუქდიოდური სანათები. განათებულობა იატაკიდან 0,8 მ დონეზე და დივანის საზურგეიდან 0,6 მ მანძილზე უნდა შეადგენდეს არა ნაკლებ 150 ლუქსს.

3.3.5 ძრავებს ჩაუტარდეთ აუცილებელი სამუშაოები **მუხლი 1-ის** მიხედვით.

3.3.6 საჭიროების შემთხვევაში, წვეის ძრავებს დეფექტური აქტის საფუძველზე ჩაუტარდეს **მუხლი 2-ში** მითითებული დამატებითი სამუშაოები.

3.3.7 ავტოგადასაბმელის ორგასართიანი ელექტროსაკონტაქტო ყუთები შეიცვალოს ოთხგასართიანი ელექტროსაკონტაქტო ყუთებით, საჭიროების შემთხვევაში, დეფექტური აქტის საფუძველზე **მუხლი 4-ის** შესაბამისად. სათაო ვაგონზე 1 კომპლექტი, შუა ვაგონზე 2 კომპლექტი.

3.3.8 სამუხრუჭო ჰაერგამანაწილებლები უნდა აღიჭურვოს მოწყობილობით, რომელიც საჭიროების შემთხვევაში, უზრუნველყოფს მისი სალონიდან გამორთვის.

3.3.9 ბატარეის ჩამრთველი შეიცვალოს ახალი სამპოლუსიანი ჩამრთველით 81-717M, 81-714M სერიის ვაგონების ანალოგიურად.

4 ვაგონის გადაცემის პროცედურა

4.1 ვაგონის გადაცემისას „მიმწოდებლისა“ და „შემსყიდველის“ წარმომადგენლის შორის უნდა გაფორმდეს შესაბამისი აქტი, რომელიც დადასტურდება ორივე მხარის წარმომადგენლის ხელმოწერით. აგრეთვე ტექნიკური დავალების **მუხლი №3-ში** მოცემული იმ ნაწილების ნუსხა, რომლებიც გადაცემის დროს იქნება ვაგონის კომპლექტაციაში და „მიმწოდებლის“ მიერ აღნიშნული ნაწილების დემონტაჟის შემდეგ უნდა დაუბრუნდეს შპს „თბილისის სატრანსპორტო კომპანია“.

4.2 აქტში ასახული უნდა იყოს ძირითადი ნომრიანი დეტალებისა და ძირითადი კვანძების ვაგონზე არსებობა შესაბამისი ნომრებით

4.2.1 **მუხლი 3-ით** გათვალისწინებული ნაწილების დაბრუნება დაფიქსირდება აქტით, რომელიც დაერთვება ვაგონის გადაცემის აქტს და იქნება მისი განუყოფელი ნაწილი.

მუხლი 1.

1. პოლუსების გულანების, საკისრების ფარებისა და სახურავების, კოლექტორის ლუქების, მექანიკური ნაწილის შეკეთება.
2. სადგარის შეკეთება საკისრების ფარის აღდგენით ან გაჩარხვით, ვენტელატორის ღუზის საკისრების რევიზია-შეცვლა.
3. კრონშტეინების და ჯაგრისსაჭერების შეკეთება სრული დაშლით და ნაცვეთი დეტალების შეცვლით. კოლექტორის მუშა ზედაპირის აღდგენა გაჩარხვით, ლამელებს შორის გაღარვით და ხეხვით. სამაგრი დეტალების (ქანჩები, ჰანჭიკები, ზამბაროვანი დამაფიქსირებელი საყელურები და ა.შ.) შეცვლა.
4. კუთხვილიანი და გამავალი ნახვრეტების აღდგენა.

მუხლი 2.

1. ღუზის შეკეთება სექციის შეცვლით.
2. ღუზის შეკეთება კოლექტორის შეცვლით.
3. ღუზის შეკეთება ლილვის შეცვლით.
4. ინდუქტორის შეკეთება პოლუსის ან პოლუსების შეცვლით.
5. ძირითადი კოჭა.
6. დამატებითი კოჭა.

მუხლი 3.

1. პორიზონტალური და ვერტიკალური აღვირები.
2. კარდანული ქუროს მუშტა.
3. კარდანული ქუროს ჩანგალი.
4. მოტორ-კომპრესორი.
5. სალონის განათების დროსელები, პლაფონების აბაჟურები.
6. სათაო ვაგონის უკანა ხედვის სარკეები.
7. რედუქტორის კორპუსები.
8. სათაო ვაგონის ფარები.

მუხლი 4.

1. ოთხგასართიანი ელექტრო საქონტაქტო ყუთი - 1 კომპლექტი.

მომსახურების გაწევის ვადა და საგარანტიო პირობები

1. მომსახურების გაწევის ვადა - ხელშეკრულების გაფორმების თარიღიდან:

4 ერთეული - 2 სათაო (Еж-3М), 2 შუა (Em-508ТМ) არაუგვიანეს ----- კალენდარული დღისა;

4 ერთეული - 2 სათაო (Еж-3М), 2 შუა (Em-508ТМ) არაუგვიანეს ----- კალენდარული დღისა;

8 წვეის ძრავი ДК 116 - არაუგვიანეს ----- კალენდარული დღისა;

6 ოთხგასართიანი ელექტროსაკონტაქტო ყუთი არაუგვიანეს ----- კალენდარული დღისა;

2. საგარანტიო პირობები:

შემადგენლობის მოდერნიზაციისას გამოყენებული ცალკეული კვანძების საგარანტიო ვადა განისაზღვრება ქარხანა-დამამზადებლის მიერ განსაზღვრული ვადების მიხედვით, მაგრამ არანაკლებ --- წლით ან ექსპლუატაციაში გაშვების შემდეგ ----- კილომეტრის გარბენამდე, იმის მიხედვით, თუ რომელი პირობა შესრულდება უფრო გვიან, ხოლო ვაგონის ძარის, ლითონის კვანძების და დეტალების საღებავის დამცავმა საფარმა უნდა უზრუნველყოს საექსპლუატაციო მდგრადობა, ხარისხის გაუარესების გარეშე, არა ნაკლებ --- წლის განმავლობაში.

შენიშვნა:

პრეტენდენტმა უნდა მიუთითოს მომსახურების გაწევის კონკრეტული ვადა ტექნიკური დოკუმენტაციის 2.2 პუნქტის 2.2.1 ქვეპუნქტის შესაბამისად.

პრეტენდენტმა უნდა მიუთითოს კონკრეტული საგარანტიო ვადა, ტექნიკური დოკუმენტაციის 2.5 პუნქტის 2.5.1 ქვეპუნქტის შესაბამისად.

(პასუხისმგებელი პირის თანამდებობა, სახელი გვარი)

ხელმოწერა

პრეტენდენტის რეკვიზიტები:

პრეტენდენტის იურიდიული ფორმა და დასახელება:

საიდენტიფიკაციო/ პირადი ნომერი:

ხელმძღვანელის სახელი და გვარი:

პრეტენდენტის იურიდიული /ფაქტიური მისამართი:

პრეტენდენტის ოფისის ტელეფონის ნომერი:

მობილური ტელეფონის ნომერი:

ელექტრონული ფოსტის მისამართი:

ბანკის დასახელება:

ბანკის კოდი:

ანგარიშსწორების ანგარიში:

(პასუხისმგებელი პირის თანამდებობა, სახელი გვარი)

ხელმოწერა